

**Grad Novi Pazar**  
**Skupština grada**  
**Odbornička grupa SDA Sandžaka**  
**Novi Pazar**  
**15. jun 2023. godine**

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O PODNOŠENJU IZVJEŠTAJA O GROMOBRANSKIM INSTALACIJAMA NA TERITORIJI GRADA NOVOG PAZARA,** sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 16. juna 2023. godine.

**Predsjednik odborničke grupe**  
mr. Ahmedin Škrijelj

## **PRIJEDLOG**

Na osnovu člana 20. stav 1. tačka 15), člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 7. stav 1. Pravilnika o tehničkim normativima za zaštitu objekata od atmosferskog pražnjenja („Službeni list SRJ“, broj 11/96), člana 15. stav 1. tačka 22) i 38), člana 46. stav 1. tačka 76) i 77) i člana 147. Statuta grada Novog Pazara („Službeni list grada Novog Pazara“, broj 6/19), člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 16. juna 2023. godine donosi

## **O D L U K U**

### **o podnošenju izvještaja o gromobranskim instalacijama**

#### **na teritoriji grada Novog Pazara**

#### **Član 1.**

Obavezuju se članovi Gradskog vijeća zaduženi za koordinaciju rada gradskih uprava, infrastrukturu i građevinu i načelnik Gradske uprave za izvorne i povjerene poslove da, Skupštini grada, u roku od 15 dana od stupanja na snagu ove odluke, podnesu izvještaj:

1. o pokrivenosti gromobranskim instalacijama teritorije grada Novog Pazara sa akcentom na informaciju o broju i stanju postojećih gromobranskih instalacija i objektima na kojima se nalaze;
2. o broju stambenih objekata kojima je izdata upotrebna dozvola a koji imaju postavljene gromobranske instalacije;
3. o broju stambenih i drugih objekata koji su useljeni ili stavljeni u drugu funkciju a koji nemaju izdatu upotrebnu dozvolu i nemaju postavljene gromobranske instalacije;
4. o naseljenim mjestima u gradu Novom Pazaru koja nisu obuhvaćena gromobranskom zaštitom od atmosferskog pražnjenja.

Lica iz stava 1. ovog člana dužna su takođe izraditi i prijedlog mjera zaštite stanovništva i objekata od atmosferskog pražnjenja na cijeloj teritoriji grada Novog Pazara.

## **Član 2.**

Ovu odluku objaviti u "Službenom listu grada Novog Pazara".

## **SKUPŠTINA GRADA NOVOG PAZARA**

Broj:

U Novom Pazaru, 16. juna 2023. godine

**PREDSJEDNIK**

Dr. Anela Šemsović

## **O B R A Z L O Ž E N J E:**

### **Pravni osnov:**

Pravni osnov za donošenje ove odluke sadržan je u:

- članovima 20. stav 1. tačka 15) i 32. stav 1. tačka 20) Zakona o lokalnoj samoupravi;
- članu 7. stav 1. Pravilnika o tehničkim normativima za zaštitu objekata od atmosferskog pražnjenja
- članovima 15. stav 1. tačka 22) i 38), 46. stav 1. tačka 76) i 77) i 147. Statuta grada Novog Pazara;
- članu 137. Poslovnika Skupštine grada Novog Pazara.

### **Razlozi za donošenje odluke:**

Donošenje ove odluke uslovljeno je činjenicom da je početkom mjeseca juna 2023. godine prilikom atmosferskog pražnjenja zabilježen udar groma u jednu porodičnu kuću kada je nastala prilična materijalna šteta i kada su dovedeni u pitanje životi građana Novog Pazara. Shodno tome otvara se pitanje na koji način je uspostavljen sistem zaštite od udara groma u Novom Pazaru. S tim u vezi ovom odlukom je propisana obaveza članovima Gradskog vijeća koji su zaduženi građevinu i infrastrukturu, koordinaciju rada gradskih uprava i načelniku gradske uprave za izvorne i povjerene poslove da Skupštini grada podnesu izvještaj:

- o pokrivenosti gromobranskim instalacijama teritorije grada Novog Pazarasa akcentom na informaciju o broju i stanju postojećih gromobranskih instalacija i objektima na kojima se nalaze;
- o broju stambenih objekata kojima je izdata upotrebna dozvola a koji imaju postavljene gromobranske instalacije;

- o broju stambenih i drugih objekata koji su useljeni ili stavljeni u drugu funkciju a koji nemaju izdatu upotrebnu dozvolu i nemaju postavljene gromobranske instalacije;
- o naseljenim mjestima u gradu Novom Pazaru koja nisu obuhvaćena gromobranskom zaštitom od atmosferskog pražnjenja.

Podnošenje izvještaja sa navedenim podacima je od izuzetne važnosti jer se time stiče realna slika koliko lokalna samouprava radi na zaštiti života građana i u kojoj mjeri prilikom izdavanja upotrebni dozvola poštuje pravila kojim se štiti život stanovništva. Odredbama člana 7. stav 1. Pravilnika o tehničkim normativima za zaštitu objekata od atmosferskog pražnjenja propisano je da prilikom izgradnje novih objekata ili adaptacije postojećih mora se izraditi projekat gromobranske instalacije. Javno nikada nije saopšten zvanični podatak da li postojeći objekti za koje je izdata upotrebna dozvola imaju zaštitu od gromova, kao ni podatak koliko su stambeni i drugi objekti koji nemaju upotrebnu dozvolu a useljeni su ili stavljeni u drugu funkciju zaštićeni od udara groma. Takođe organi grada nikada do sada nisu saopstili službene informacije o tome da li cjelokupna teritorija grada Novog Pazara zaštićena od udarada groma i ako nije koji dijelovi grada nisu obuhvaćeni tom zaštitom. Iako je Skupština grada marta 2022. godine godine donijela odluku o pristupanju izradi Stambene strategije ista ni nakon godinu dana nije donijeta a koja je shodno Zakonu o stanovanju i održavanju zgrada izuzetno značaja i sa aspekta ovog pitanja koje je predmet ove odluke. Takođe, ovom odlukom propisuje se i obaveza da se izradi i skupštini dostavi prijedlog mjera zaštite stanovništva i objekata od atmosferskog pražnjenja na cijeloj teritoriji grada Novog Pazara sa ciljem da se bez odlaganja sprovedu mjere kako bi se na cjelokupnoj teritoriji grada Novog Pazara adekvatno zaštitilo stanovništvo od atmosferskog pražnjenja odnosno udara groma. Imajući u vidu naprijed navedeno donošenje ove odluke predstavlja vitalni interes za građane Novog Pazara.

**Objašnjenje pojedinih rješenja propisanih ovom odlukom:**

**Član 1:** Utvrđen je predmet odluke odnosno obaveza podnošenja izvještaja, određeni javni funkcioneri grada na koje se ta obaveza odnosi i utvrđeni su elementi koje izvještaj obavezno mora da sadrži.

**Član 2:** Propisana je obaveza objavljivanja u „Službenom listu grada Novog Pazara“.

Finansijska sredstva za realizaciju ove odluke nisu potrebna